



Broj: 09/2-3-16-8-35504-14/18
Sarajevo, 07.03.2018.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: KJN-16-8-int-35504-4/18 od 06.03.2018. godine, u postupku javne nabavke izbora najpovoljnijeg ponuđača za nabavku kancelarijskog materijala za potrebe MVP BiH,
d o n o s i m:

O D L U K U

o izboru najpovoljnijeg ponuđača

Ponuđač "ELKOM" d.o.o. Vitez sa ponudom broj: 15/2018 od 20.02.2018. godine, proglašava se najpovoljnijim, te se imenovanom ponuđaču dodjeljuje Okvirni sporazum za nabavku kancelarijskog materijala za potrebe Ministarstva vanjskih poslova BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke, ugovorni organ će pozvati izabranog ponuđača radi zaključenja Okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-3-int-2156/17 od 29.09.2017. godine, u kojoj je predviđeno da je procijenjena vrijednost javne nabavke za period od 24 mjeseca do 80.000,00 KM sa uključenim PDV-om.

Obavještenje o nabavci br: 253-1-1-4-3-3/18, objavljeno je na Portalu javnih nabavki dana 26.01.2018. godine, a sažetak obavještenja o nabavci objavljen je u Službenom glasniku BiH br: 8 od 02.02.2018. godine, na osnovu kojeg je proveden otvoreni postupak nabavke roba za potrebe Ministarstva vanjskih poslova BiH.

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponude ponuđača:

1. PRIMAPROM d.o.o. Banja Luka;
2. PLAN PLUS d.o.o. Zenica;
3. CRO-BOX d.o.o. Sarajevo;
4. AERO-EXCLUSIVE d.o.o. Sarajevo;
5. ELKOM d.o.o. Vitez;

zaključno sa rednim brojem 5 (pet)

ispunjavaju formalno-pravne, ekonomske i tehničke zahtjeve Ministarstva vanjskih poslova BiH, te da su prihvatljive i mogu biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Komisija za javne nabavke je u pojedinim dostavljenim ponudama uočila računске greške („Plan Plus“ d.o.o., „Primaprom“ d.o.o. i „Elkom“ d.o.o.) pa je od sva tri ponuđača zatražila da u skladu sa odredbama člana 66. stav (1) Zakona o javnim nabavkama („Službeni glasnik BiH“ broj 39/14) i člana 17. stav (7) Uputstva za pripremu modela tenderske dokumentacije i ponuda („Službeni glasnik BiH“ broj 90/14 i 20/15) dostave pismenu potvrdu o prihvatanju navedenih korekcija, što su sva tri ponuđača i učinila.

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, Komisija je pristupila vrednovanju prihvatljivih ponuda, te shodno utvrđenom kriteriju *"najniža cijena tehnički zadovoljavajuće ponude"*, svojim Zapisnikom o pregledu i ocjeni ponuda broj KJN-16-8-int-35504-4/18 od 06.03.2018. godine, konstatovala tabelarni pregled-rang listu prihvatljivih ponuda ponuđača:

RED. BR.	PONUĐAČ	UKUPNA CIJENA U KM (sa PDV-om)
1.	ELKOM d.o.o. Vitez	53.779,80 KM
2.	AERO-EXCLUSIVE d.o.o. Sarajevo	57.175,03 KM
3.	CRO-BOX d.o.o. Sarajevo	57.741,72 KM
4.	PLAN PLUS d.o.o. Sarajevo	61.362,72 KM
5.	PRIMAPROM d.o.o. Banja Luka	67.073,14 KM

shodno kojoj je prvoplasirana i najpovoljnija ponuda ponuđača: **"ELKOM" d.o.o. Vitez**, sa cijenom od **53.779,80 KM sa PDV-om**, te da ista u ekonomskom i tehničkom smislu u potpunosti zadovoljava zahtjeve ugovornog organa. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Svim učesnicima u postupku javne nabavke;
2. Evidenciji a/a.

